

Guangjisi Minzcu Bau

ganbbau: CN45-0036 B.2014 Nd.4 Ng.23 liggaueq gyapngux nienz ndwensam ngeihseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3120期

Lungzanh: Eu Fwenbaiz Boux- cuengh Haeuj Ndaw Hagdangz Bae

隆安：壮族排歌唱进校园

Lungzanh Yen fwenbaiz Boux-cuengh dwg cungj vwnzva ndawbiengz Bouxcuengh gig daegbied de, gaenq ndaej lied haeuj ndaw swcigh gaep feihvuzciz vwnzva yizcanj mingzloeg lo. Vihliux swncienz nem henhoh fwenbaiz Bouxcuengh ndaw yienh neix, daj bineix 3 nyied hwnj,

Lungzanh Yen cingj doenghboux canghfwen fwenbaiz Bouxcuengh haeuj ndaw hagdangz cungh siuj yozyau bae, gangj ciengq doxhab, daengz Lungzanh Minzcu Cunghyoz、Nanzhih Cunghyoz、Siujlinz Siujyoz daengj, son gyoengq cungh siuj hagseng rox gij lizsij nem gizdiu

Fwenbaiz Bouxcuengh. Gij hozdung neix hawj gyoengq cungh siuj hagseng dingq canghfwen gangj liux, couh roxyiuj minzcu conzdungj vwnzva, hawj gij minzcu conzdungj vwnzva maenhndei de ndaej swncienz nem fazcanj laeb hwnj giekdaej ndei.

(Naij Sangfanz)



Sanhgyangh: Okmoq Senhconz Fuengsik Yaugoj Engq Ndei

三江：创新宣传方式收效好

4 nyied 15 hauh banhaemh, Sanhgyangh Duncuz Swciyen youq Linzhih Yangh Yangzhih Cunh Mbanjiucaiguh “dangj ginzung lusen sizcen hozdung vwnzyi vanjvei” soengq heiq roengz mbanj hozdung, doenggvaq ciengq Fwenduncuz、yienj Heiqdung、siujbinj、sam coenz donh daengj doenghij cezmuz miz daegsaek Duncuz de

senhconz dangj raeuz gij cwngcwz hawj vunzlai souh’ik moq de, hawj hozdung guh ndaej haeuj sim vunzlai, hawj vunzlai nem ganbu lai depgyawj. Ndaw doz dwg aen cezmuz ciengq Fwenduncuz gig ndeiyawj de.

(Gungh Bujangh ingj)

Nazboh Yen Minzcuizgiz Gaihcanj “1+1” “1+2” Roengz Mbanj Gietdoiq Bangcoengh

那坡县民族局开展“1+2”“1+1”下乡结对帮扶

Lai bi daeuj, Nazboh Yen Minzcuizgiz naemj banhfap gajgez Nazbu Cunh ginzung swnghhoz swnghcanj nanzdaez, gonqlaeng hez-diuz caemhcaiq roengz cienngaenz 292 fanh maenz. Ndawde roengz 98 fanh maenz saedhengz Mbanjsuijdouz ranzyiemj gajguh 28 ranz 1764 bingzfanghmij, gajgez 178 vunz youq ranz hoj vwndiz; roengz 30 fanh maenz saedhengz Dungsaj、Gveihfungh、Suijdouz、Suijlun、Nenbu daengj gwnraemx gunghcwngz, guh daemz-gyaengraemx 200 lizfanghmij, gaq gyongjraemx 9800 mij, gajgez 1056 vunz gwnraemx hoj vwndiz; roengz 20 fanh maenz saedhengz youq gwnz bo hai naz 68 moux; roengz 18 fanh

maenz youq Mbanjnazbu guh roensuijniz nem gensez vwnzva hozdung cangzsoj; roengz 15 fanh maenz saedhengz Mbanjnazbu suiqli gunghcwngz; roengz 110 fanh maenz youq Suijdouz、Bwzaih、Bwzsungh daengj mbanj dajndaem faexcuk 3000 lai moux, vih ginzung demsou fazcanj daezhawj canjyez donghsaeu. Bineix giva roengz cienngaenz 39 fanh maenz gajguh nem gya’gvangq roen Mbanjgveihfungh; roengz cienngaenz 34 fanh maenz saedhengz Mbanjnazbu minzcu doxgiet cinbu sifan hangh-moeg daengj.

Vih dawz gij hong bang hoj coengh gungz caiq ndaej doi baenaj, aen giz neix caeuj Nazbu Cunh

Mbanjsuijdouz 11 hoh Myauzcuiz giet baenz doiqbangfuz “1+2” “1+1”, ndaw giz neix banhsij cwngzyenz 4 boux moix boux bangfuz 2 ranz gungzhoj, ganbu cizgungh 3 boux moix boux bangfuz ranz gungzhoj ndeu. Ganbu bangfuz doenggvaq daezhawj cwngcwz camdap、coengh ginzung bienq naemjap、daezhawj ciueyz siusik、coengh lozsiz hangh-moeg、bangfuz cienngaenz daengj fuengsik, demgiengz nungzminz “cauxlwed ciengxlwed” gunghnwngz, dabdaengz gij muzdiz hawj ranz gungzhoj souhaeuj daezswng、baenz-fouq naengzlig demgiengz、dangj nem ginzung gvenhaeh gajndeij.

(Vangz Bizvaz)

SIUSIK DINJ

简讯

● 4 nyied 17 hauh, Hozciz Siveij Dangjyau cujiez dangiyenz daengz gizdieg lienzhaeh Dava Yauzcu Swciyen Bwzmaj Yangh Mungdou Cunh、Dwnghbaiz Cunh guh bangfuz hozdung, soengq gij daengq daiz guh bangungh de 8 dauq nem 30 lai bau fuzhozfeiz hawj cunhveij nem vunz ndaw cunh.

(Luz Haijbauh Cinz Hauz)

● 4 nyied 17 hauh, Denh-dwnj Yen Bajhoz Yangh ginz-cung anq lingx 6000 go dinfaex gobug dijbauj youz Swcigh Linzyez Dingh fathawj de, neix hawj doenghij diegbya neix ndaem faex gya hoengh lo.

(Liengz Cwngzfuj Veiz Cinhmenz)

● 4 nyied 17 hauh, ciuq Cunghgoz Yinzminz Yinzhangz Cungzcoj Cihhangz gyoepsuenq, Cungzcoj Si minzcu giyez youq geiqdoh daih’it ndaej gij cienz boujdiep leihsik de 1567.99 fanh maenz, doengzbeij gyalai 314.8%, beij bi’gvaq caemh duenh seizgan gyalai 378.52 fanh maenz.

(Luz Gunh)

● 4 nyied 16 hauh, Dava Yauzcu Swciyen Dava Cin Lungzgouj Cunh aen hawfwen conzdungj Bouxcuengh de hai lo, gyawj 3 bi neix, aen yienh neix miz le Yenzdan Cin hawfwen Yenzdan、Gyanghhih Yangh hawfwen Ai’hih、Yizhih Yangh hawfwen Bahyenz、Bwz-gingj Yangh hawfwen Bingz-fangh, liuxle neix youq gya hai aen hawfwen Bouxcuengh moq ndeu, vunzlai naeuz ndei.

(Vangz Vwnzboh)

● 4 nyied 15 hauh, Ningz-minz Yen Minzcuizgiz youq Dunczmenz Cin Banjan Cunh gawjbanh daih’it geiz nungzminz saedyungh gisuz beizyinbanh, haujlai nungzminz camgya. Doenggvaq beizyin, gyoengq nungzminz neix ndaej daezsang gisuz lo.

(Sinh Gyahbingz)